

國朝大事記

國朝大事記

目錄

遼左肇基紀畧第一

遼左肇基紀畧第二

遼左肇基紀畧第三

世祖開國大政紀畧第四

遼左肇基紀畧卷一

任邱金象豫介公輯錄

我朝先世。發祥於長白山。山高二百餘里。綿亘千里。山上有潭曰闔門。周八十里。鴨綠混同愛滹三江出焉。望氣者言。其地將生聖人。統一諸國。山之東有布庫里山。山下有池曰布爾里湖。相傳有天女三長恩固倫。次正固倫。季佛庫倫。浴於池。浴畢有神鵲啣朱果。置季女衣。季女吞之。遂有身。尋產一男。生而能言。體貌奇異。及長。母告之故。因命之曰。天生汝以定亂國。其以愛新覺羅為姓。布庫里雅順為名。母凌空去。

子乘小船順流至河。步登岸。折柳及野蒿爲坐具。端
趺其上。其地有三姓爭雄長。構兵仇殺。有取水者奇
其狀貌。歸告衆。走問。語以姓氏。且曰。我天女佛庫倫
所生。天命定汝等之亂。衆驚曰。天生聖人也。昇歸奉
爲主。居長白山東俄漠惠之野。俄朶里城。國號滿洲。
數憚。遭國人叛。族被戮。幼子范察僅以身免。遁於野。
國人追之。有鵲止其首。追者以爲枯木。因得脫。又數
傳。至

肇祖原皇帝姓愛新覺羅氏。諱都督。居虎欄哈達山下。赫
圖阿喇地。有智畧。計執先世仇人之後。四十餘人。半

誅半釋之。盡復故地。生子二。長充善。次褚晏。充善生子三。長安羅。次安義謙。次錫。寶齊篇古。錫。寶齊篇古。生子一。即

興祖直皇帝。諱福都督。生子六。長德世庫。次劉闡。次索長阿

次郎

景祖翼皇帝。諱覺。次包郎阿。次寶實。德世庫居覺爾察地。

劉闡各居阿哈河洛地。索長阿居河洛噶善地。

景祖居祖基阿喇地。與五城相距。近者五里。遠者二十里。

包郎阿居尼麻喇地。寶實居彰甲地。六人各築城分居。稱烏寧古塔貝勒。是烏六祖。

景祖生子五。長禮敦巴圖魯。次額爾袞。次界堪。次即顯祖宣皇帝。克世次塔察篇古。

顯祖嫡妃喜塔喇氏。乃阿古都督如是爲宣皇后。生子三。長即

太祖高皇帝。次曰舒爾哈齊雅。次曰巴雅喇。庶妃生子一。曰穆爾哈齊。

太祖高皇帝。諱努爾哈赤。稱烏聰睿貝勒。生明嘉靖三十八年。己未孕十三月而生。龍顏鳳目。偉軀大耳。聲若洪鐘。

十歲時

宣皇后崩。繼妃納喇氏。撫育寡恩。年十九。俾分居。予產獨

薄後知其才德復厚予之。

太祖辭勿受。時有碩色納者九子俱擴悍又有加虎生子七
而騎捷多力能披甲躍九牛二族強凌諸路。

景祖饒才智兼禮敦英勇破滅之盡收二嶺東蘇克蘇滌河西二百里內諸部由此遂盛癸未年明萬曆十一年滿洲蘇克蘇滌河部圖倫城有尼堪外蘭者陰構明寧遠伯李成梁遣遼陽副將攻克沙濟城殺城主阿亥章京復合兵攻古勒城城主阿太章京妻乃禮敦巴圖魯之如

景祖聞警恐女孫被陷偕

顯祖往救。先後入城。欲攜女孫歸。阿太章京不肯。成梁攻城不克。尼堪外蘭請往招撫。給城中人以能殺阿太來降者。即命爲城主。城中人信之。遂殺阿太以降。成梁誘城中人出屠之。并害

二祖。

太祖聞之。大慟。詰明邊吏。明歸我。

二祖喪。與勅三十道馬。三十四封龍虎將軍。復給都督勅書。

太祖欲得尼堪外蘭。明人不肯。且曰。當令爲滿洲國主。國人信之。皆歸尼堪外蘭。同族寧古塔諸祖子孫亦

欲害

太祖以歸之尼堪外蘭又迫

太祖往附

太祖思復仇以

顯祖遺甲十三副謀伐尼堪外蘭時年二十有五癸未年
太祖往攻尼堪外蘭於圖倫城克其城時兵百人甲十三
副而已六月德世庫劉蘭索長阿寶實等子孫忌
太祖英武同謀加害夜半潛至城緣梯而上

太祖覺之遁去八月復往攻外蘭於甲反外蘭遁追之勿
及六祖寶實之子康嘉與綽克塔覺善同謀糾合哈

達國萬汗兵。故我所屬瑚濟毛而去。分所獲於中途。
我部將安費揚古及巴遜率十二人追敗之殺四十
人獲所掠而還。是時滿洲別有五部。曰蘇克蘇游河。
曰渾河。曰王甲。曰董鄂。曰哲陳。長白山二部。曰訥殷。
曰鴨綠江。東海三部。曰渥集。瓦爾喀。庫爾喀。扈倫國。
四部。曰烏喇哈達。葉赫。輝發。各主其地。互相攻戰。丙
午年七月。明人執尼堪外蘭付我殺之。自此明歲輸銀
八百兩。蟒緞十五疋。通和好焉。丁亥年正月。於碩里
口虎欄哈達東南。加哈河兩界中平岡。築城三層。並
建宮室。六月始定國政。禁悖亂。戢盜賊。法制以立。歸

附益衆國勢日盛歲以我國珍異於撫順清河寬奠
鑿陽西關口與明互市辛卯年正月遣兵畧長白山
之鶻綠江盡收其衆癸巳年九月葉赫哈達烏喇輝
發北嫩河蒙古科爾沁席北部卦爾察部及滿洲長
白山所屬朱舍里路納殷路九姓之國合兵三路來
侵凡三萬人

太祖禦之於古勒河對黑濟格城結陣及戰葉赫貝勒布
賽直前衝入乘馬觸木而蹠我兵吳談刺殺之敵兵
遂亂諸貝勒膽落棄衆奔潰擒烏喇貝勒布占泰斬
級四千獲馬三千匹甲千副自此遠近懾服

戊戌年。哈達貝勒孟格布祿所居城北溪中流血。
己亥年。二月。將蒙古字制爲國語。創立滿文。九月。征
哈達。擒其貝勒並格布祿。滅之。盡服其屬城。

辛丑年。始編三百人爲一牛錄。每牛錄設額真一。

癸卯年正月。自虎欄哈達南岡移於祖居蘇克蘇滌
河加哈河之間。赫圖阿喇地築城居之。
乙巳年三月。更築大城環之。

丙午年。蒙古諸貝勒遣使尊

太祖爲神武皇帝。

丁未年九月丙申。彗見東方。入夜方滅。指揮發國時。

輝發叛。是月率兵征之。克其城。誅其目。勦拜音達禮。父子遂滅輝發。

己酉年。侍衛扈爾漢。征東海渥集部所屬之濱野路。取之。收二千戶而還。

庚戌年。額亦都率兵。征東海渥集部之那木都魯綾。分寧古塔尼馬察四路。招其部長康古禮等。回師。取雅攬路。俘萬人。

辛亥年七月。命阿巴泰費英東。安費揚古率兵。取渥集部之烏爾古宸木倫二路。十二月。命額駙何和里巴圖魯額亦都達爾漢。侍衛扈爾漢率兵。征渥集部。

之虎爾哈路。克其札庫塔城。俘二千人。

壬子年。烏喇國背盟。親征之。克其臨河六城。燬之。

癸丑年正月。復親征烏喇。戰於伏爾哈城。大敗之。乘勢克其城。貝勒布占泰竄遁葉赫。收撫其屬邑。烏喇遂亡。

乙卯年。明萬曆四十三年既削平諸國。每三百人設一牛錄。

額真。五牛錄。設一甲喇額真。五甲喇。設一固山額真。每固山額真左右設兩梅勒額真。初設黃紅藍白四旗。至是添設四旗。參用其色鑲之。共八旗。行軍時地廣則八旗並立。分八路。地狹則八旗合一路。每戰長

矛大刀爲前鋒。善射者從後衝擊。精兵勿下馬。相機接應。克敵後。核功必以實。又置理政廳。訟大臣五人。札爾固齊十人。佐理五日一視朝。凡有聽斷。先經札爾固齊十人審問。然後言於五臣。五臣審問。言於衆貝勒。議定奏明。

丙辰年羣臣尊

上爲覆育列國英明皇帝。建元天命元年。

是年
上五十有一
明萬曆十四年

七月

諭議政五大臣曰。凡事不可一人獨斷。如一人獨斷。必致生亂。國人有事。當訴於公所。毋訴於諸臣之家。其有

私訴者付以鞭索。俾執而責之。貝勒諸臣有罪。束身
靜聽。如例審斷。執拘不服。加以重罪。凡事俱五日一
聽斷於公所。

命扈爾漢安費楊古征東海薩哈連部。取河南河北寨三
十六。八月黑龍江橫結冰橋一道。約廣六十步。引兵
渡。遂取薩哈連部內十一寨。又招服使大路諾落石
拉忻路路長四十人。

天命三年。明萬曆四十六年三月。征明。臨行。書七大恨告天。

其詞曰。我之

祖父。未嘗損明邊一草寸土也。明無端起釁。邊陲害我。

祖父恨一也。明雖起釁，我尚欲修好，設碑勒誓，凡滿漢人等勿踰疆圉，敢有越者，見即誅之。見而故縱，殃及縱者。詎明復渝誓言，逞兵越界，衛助葉赫。恨二也。明人於清河以南江岸以北，每歲竊踰疆場，肆其攘奪。我遵誓行誅，明負前盟，責我擅殺，拘我廣寧使臣，綱古里方吉納挾取十人，殺之邊境。恨三也。明越境以兵助葉赫，俾我已聘之女改適蒙古，恨四也。柴河山岱撫安三路，我累世分守疆土之衆，耕田藝穀，明不容刈獲，遣兵驅逐，恨五也。邊外葉赫獲罪於天，明乃偏信其言，特遣使臣遺書詬詈，肆行凌侮，恨六也。昔哈

達助葉赫二次來侵。我自報之。天既授我哈達之人。
知明又黨之。挾我以還其國。已而哈達之人數被葉
赫侵掠。夫列國之相爭伐也順天心者勝而存。逆天
意者敗而亡。何能使死於兵者更生。得其人者更還
乎。天建大國之君。即爲天下共主。何獨構怨於我國
也。初扈倫諸國合兵侵我。故天厭扈倫。啟鑿惟我是
眷。今明助天譴之。葉赫抗天意。倒置是非。妄爲剖斷。
恨七也。因此七大恨。是以征之。遂率步騎二萬圍撫
順城。遊擊李永芳降。撫順東州馬根單三城及臺堡
悉下。撫順守將王命印死之。廣寧總兵張承蔭率師

往撫我軍乘風奮擊大破之。承蔭及副將顏廷相參
將蒲世芳等皆戰死。士卒逃歸者十無一二。

天命四年正月征葉赫取大小丸寨二十餘及蒙古
游牧畜產二月明經畧楊鑄率總兵杜松趙夢麟主
宣劉綱李如柏馬林副將賀世賢麻巖道員張銓康
應乾閻鴻泰潘宗頤等統兵二十萬號四十七萬於
三月初一日出邊分四路進攻並趨我都城二月二
十九日明總兵杜松等督兵六萬出撫順關而南路
備卒又以明兵進董鄂境告

太祖曰明使我先見南路兵若欲誘我南也其由撫順西

來者必大兵也。破此則他路不足患矣。即統兵出而
令大貝勒代善前行。遇札喀闢四貝勒曰：「界凡山而
我築城夫役在焉。倘明兵攻之奈何？」遂急進界凡界。
對明兵而陣。初我國防衛築城夫役之兵四百人伏於
撒爾湖谷口。明總兵杜松、王宣、趙夢麟之兵過谷口
將半。尾擊之。追至界凡渡口。與築城夫役合。據界凡
山之吉林崖。杜松營於撒爾湖山。而自引兵圍之。衆
貝勒到。遣兵千人往助吉林崖。

太祖亦至。日先破撒爾湖所駐兵。則界凡自喪膽矣。於是
分右翼之二旗。與左翼四旗合攻之。不移時破其營。

而所遣助吉林崖之兵自山馳下擊明兵右翼二旗
兵渡河夾擊明兵之在界凡山麓者大破其衆杜松
王宣趙夢麟等戰死追奔二十里時馬林營於尚間
崖嚴兵自衛潘宗顏一軍距西三里外營飛芬山遊
擊龔念遂李希泌營於它洪萼漢地四月勒奮勇衝
入明兵大敗念遂希泌陣歿

太祖親馳至尚間崖明兵突至大貝勒怒馬入其陣二貝
勒阿敏三貝勒莽古爾泰與衆台吉等各鼓勇急進
明兵大敗斬其副將麻嚴等馬林遁免

太祖復馳攻飛芬山潘宗顏全軍盡沒乃凱旋還都聞劉

綰由寬奠。○李如柏由清河進虎欄路。謀犯都城。遣
大貝勒三貝勒四貝勒往禦劉綰。而留兵四千於都
城。待如柏等。初劉綰出寬奠。進董鄂路。先遣萬人前
掠。將趙阿布達里岡布陣。四貝勒率兵登岡。馳下擊
之。戰方酣。大貝勒率左翼兵自山西夾明兵潰。我兵
追擊。與劉綰倉卒不及陣。遂戰死。時明海蓋道康
應乾合朝鮮兵營於富察之野。遂勒兵攻之。明兵發
火器。忽大風晝晦。烟塵反撲敵營。我軍乘之。殲其兵
萬人。應乾遁。朝鮮元帥姜宏立率衆降。楊鷄聞。三路
兵敗。急檄李如柏、賀世賢等還。六月。率兵四萬。取明

開原城。明總兵馬林副將于成龍。參將高貞遊擊于
守志。守備何懋。官皆戰歿。建宮室於界。凡城內及諸
臣兵民廬舍。七月。

上率兵攻鐵嶺。斬明遊擊喻成名。史鳳鳴。李克泰等。拔其
城。蒙古喀爾喀貝勒介賽來援。我師追敗之。擒介賽
等十餘人。先是。

上夢天鵝白鶴等。翱翔上下。

上羅得白鶴一呼曰。得蒙古介賽矣。覺以語妃。至是果然。

八月。征葉赫。其貝勒金台吉居東城。

上親圍之。布揚古居西城。命四貝勒率兵圍之。未幾俱破。

執金台吉布揚古縊殺之。屬城盡降。殺明兵之助守者葉赫亡。自是開擴疆土。東自海。西至明遼東界。北自蒙古科爾沁之嫩烏喇。江南暨朝鮮國境。凡語言相同之國。俱征討徠服而統一之。

扈倫國四部始末

哈達國萬汗姓納喇。其國原名扈倫。後建國於哈達地。因名哈達。乃烏喇貝勒始祖納齊卜祿七代孫也。其祖先習納都督爲族人。已代達爾漢所害。萬奔席北部相近之綏哈城居焉。其叔王住外蘭奔哈達。主其部落。後爲叛者所殺。其子博爾坤舍

殺其人以報父仇。迎兄萬於綏哈城。烏部主萬於。是攻取附近諸部。還者又招徠之。其勢乃盛。遂稱汗。國號哈達。其時葉赫烏喇輝發及滿洲之渾河部俱屬之。萬爲人殘暴。躋貨無厭。群下效尤。擾害諸路。以故所創基業旋即自敗。其民多叛投葉赫。先附諸國皆叛。萬卒。子扈爾干立。八月卒。弟康古魯立。卒。弟孟格布祿繼之。己亥年滅。

輝發國本姓益克得里。原烏龍江岸泥馬察部人。始祖昂古里星吉力。自黑龍江載木主遷於渣魯居焉。有扈倫國人噶揚噶圖墨土。姓納喇氏。居於

張他。因附其姓。宰七牛祭天。改姓納喇。星吉力生子二長。留臣。次備臣。生納領噶耐寬。納領生拉哈都督。拉哈都督生噶哈禪都督。噶哈禪都督生齊納根達爾漢。齊納根達爾漢生王機努。王機努拓服輝發諸部於輝發河邊扈爾奇山築城居之。國名輝發。其時蒙古察哈爾查薩克圖土門汗自將圍其城。不克而還。王機努同勒卒孫拜音達禮殺其叔父七人。自爲貝勒。丁未年滅。

烏喇國。本名扈倫。姓納喇。後因建國烏喇河岸故改名。始祖名納齊卜祿。生商堅朵爾和齊。商堅朵

爾和齊生加麻喀碩朱古。加麻喀碩朱古生綏也
綏也。生都爾機。都爾機生子二。長克習納。都督次
古對朱顏。克習納生轍轍木。轍轍木生萬。古對朱
顏生大蘭。大蘭_生布顏。布顏盡服烏喇諸部。築城於
烏喇河岸洪尼地。自稱貝勒。生子二。長布干。次傅
克多布顏卒。子布干立。卒。子滿太立。至滿太弟布
占泰。癸丑年滅。

葉赫始祖蒙古人姓土默特。初滅扈倫國所居張
他之納喇姓部。遂據其地。冒姓納喇。後遷葉赫河
岸。建國名。始祖星根達爾漢。生席爾克明噶圖。席

爾克明噶圖生齊生噶尼。齊生噶尼生褚孔格。褚孔格生太極。太極生子二。長青佳砮。次楊吉砮。皆稱貝勒。明萬曆十二年。寧遠伯李成梁受哈達賂。誘青佳砮。楊吉砮至開原殺之。青佳砮子布塞。楊吉砮子納林布祿。各繼父爲貝勒。成梁屢攻之。不克。及納林布祿弟金台吉。布塞子布揚古嗣爲貝勒。天命四年己未亡。

天命五年明泰昌元年正月察哈爾林丹汗。執我使臣碩色吳巴什。先是我羈其使臣康喀爾拜虎。至是釋其從者。俾持書往。約歸我使。逾期不至。會北蒙古五部

落喀爾喀貝勒來言我使被殺乃誅康喀兒拜處後
碩色吳巴付竟逃歸。三月論諸臣功序列武勳分
總兵官品級爲三等副叅遊擊亦如之。衆牛錄額真
俱爲防禦官每牛錄下設千總四員。六月樹二木
於門外有欲訴者書而懸之木覽其顛末而按問焉。
由是民情巨細得上達。八月親征明由懿路蒲河
二路進追擊明總兵賀世賢等抵瀋陽北門斬百餘
級。十月自界凡遼於撒爾湖築軍民廬舍。

天命六年明天啟二月親畧明奉集堡。三月大軍
征明攻瀋陽城明兵出城禦我師縱擊明兵七萬俱

清陣斬總兵賀世賢尤世功等拔其城盡殲其衆。明
總兵陳策兵二萬營黃山渡渾河來援。

太祖率兵迎之。斬陳策及叅將張名也。餘衆溺渾河幾盡。
又有三總兵李秉誠朱萬良姜弼來援。四貝勒迎擊。
三總兵遁。追斬三千餘級。復擊渾河以南步兵。斬副
將董仲貴。叅將張大斗。悉殲其衆。庚申乘勝前進。至
虎皮驛。辛酉至遼陽東南。明總兵李懷信侯世祿幕
國柱姜弼董仲揆率兵至。四貝勒擊之。明兵大潰。距
南城七里駐營。壬戌我左四旗兵奪武靖門橋。樹梯
登城。奪西城一面。據其兩隅。是夜城內明兵列炬拒

戰。達旦道員牛維曜高出邢慎言胡嘉棟戶部郎中
傅國城遁。明日復戰。明兵又敗。我右四旗兵亦登城。
明經畧袁應泰督戰城東北鎮遠樓。舉火自焚。守
何廷魁投井死。監軍道崔儒秀自縊。總兵朱萬良等。
俱戰歿。擒御史張銓。餘官民雜髮歸順。銓不屈。縊而
葬之。河東七十餘城皆降。

太祖以遼東要害。定遷都。移官民居於北城關廂。其南大
城則與貝勒諸臣及將士居之。釋遼繫獄官民。奪職
閒居。卽悉還職。設遊擊八員。都司二員。理其事。發銀
帛。大賚總兵以下官。及軍士有差。七月。鎮江城中

軍陳良策執遊擊佟養真。湯站險山二堡民執堡官
陳九階李世科以叛投明將毛文龍命大目勤代善
三貝勒莽古爾泰率兵遷金州民於復州四貝勒二
貝勒阿敏率兵遷鎮江沿海居民於內地十一月
二貝勒阿敏統兵五千渡鎮江於朝鮮境攻明將毛
文龍斬遊擊劉某及兵千五百級。文龍僅以身免。
天命七年正月征明攻克西平堡斬副將羅一貴明
總兵劉渠等引兵三萬至我軍擊敗之追五十里總
兵劉渠祁秉忠副將劉徵參將黑雲鶴遊擊李茂春
張明死焉經畧熊廷弼巡撫王化貞棄廣寧城遁守

門遊擊孫得功等遣人請降。己未大軍赴廣寧。千總石天柱出迎。庚申鎮靜堡叅將劉世勛錦州大貝勒四月勒引兵攻克義洲。斬三千級。

太祖還自廣寧。遣迎后妃於遼陽。二月蒙古兀魯特部明安等凡十七貝勒及喀爾喀部台吉率所屬三千餘戶歸附。

太祖還遼陽。留諸貝勒守廣寧。西平堡叅將鮑承先初遁却至是隨衆來降。三月築城於遼陽東。五月太子河邊立宮室遷居之。名曰東京。

天命八年正月蒙古喀爾喀五部台吉拉巴西希壁

等率所屬來歸。四月命台吉阿巴泰等統兵三千
征喀爾喀札魯特斬貝勒昂安父子盡獲其妻孥軍
民畜產以其執我使臣及要奪我之牲畜也

太祖御八角殿訓諸公生以婦道母陵侮其夫恣意驕縱違

者罪之

天命九年二月與蒙古科爾沁台吉與巴會盟修好

四月奉移

景祖

顯祖

孝慈皇后諸陵葬於東京五月明毛文龍遣兵沿鴨綠

江越長白山入寇。我守將蘇爾東安擊之，盡殲其衆。
八月，聞毛文龍渡義州鴨綠江入島也。因命梅勒額真楞額禮吳善襲之，斬五百級，盡焚島中糧而還。
天命十年正月三月，勒莽古爾泰率兵攻明旅順口城，殲其兵，毀其城。
四月，王善族弟^{上之}，篭征東海瓦爾喀部還，俘獲甚衆。
六月，毛文龍兵三百人夜入耀州城南之官屯寨，總兵楊古利擊殲之。
八月，明寧遠山海關二路兵夜半襲我耀州城，守將擊敗之，追至遼河，明兵溺水死者枕藉，獲馬七百，鎧甲器械無算。侍衛博爾普等征東海南路虎爾哈部降五百戶。

而還雅護等征東海北路卦爾察部獲二千人以歸
毛文龍遣兵三百夜襲我海州所屬張屯寨守將追
之斬百七十人。十月皇子阿拜等征東海路虎爾
哈部俘千五百人。

天命十一年正月親征明錦州松山大凌河小凌河
杏山連山塔山七城。守將焚廬舍糧儲遁。大軍至寧
遠明總兵滿桂道員袁崇煥參將祖大壽固守攻之。
不克。四月以蒙古五部喀爾喀貝勒背盟。親征之。
四貝勒射殪其貝勒囊奴克。五月毛文龍遣兵攻
我撒爾湖城南門。我總兵巴篤禮敗之。追戰二百餘

級七月癸巳

太祖幸清河湯泉不豫丙午乘舟還京庚戌崩於鑿雲堡。

距瀋陽城四十里年六十有八

元妃佟甲氏

諱哈納哈

札生子二長楮英

先號洪巴圖魯次

次代善號占英

烏魯齊門

繼妃富察氏

代善生子二長莽古爾泰

次德格類

孝慈高皇后葉赫納喇氏

諱孟古姐號孟古

葉赫誕

太宗文皇帝繼立大妃烏喇納喇氏

名阿亥生子三長阿濟

格次多爾袞次多鐸

側妃伊爾根覺羅氏

生子一阿

巴泰又庶妃中生子六阿拜

湯古代塔拜

巴布泰巴

布海韜幕布

遼左肇基紀畧第二

任邱金象豫介公輯錄

太宗文皇帝

諱皇太极。史臣云。太祖命名時。國中原無漢

與蒙古書籍及爲汗。閱漢蒙古書漢之儲君。

蒙古書漢之儲君。

日

曰皇太子。蒙古書漢之儲君。

太祖第八子。生明萬曆二十年壬辰十月二十五日辛亥。

申時爲大貝勒。與代善阿敏莽古爾泰共理政。

太祖崩。大貝勒代善籌合詞請速登大寶以天命十一年

九月庚午朔即位。時年三十五。改明年丁卯爲天聰

元年。赦殊死以下。

設八大臣。正黃旗納穆泰。鑲黃

旗額駙達爾哈。正紅旗額駙和碩圖。鑲紅旗侍衛博

爾晉鑲藍旗顧三台。正藍旗施博輝。鑲白旗車爾格。
正白旗喀克篤禮。爲八固山額真。總理一切事務。與
諸貝勒偕坐共議。出獵行師各領本旗兵行。凡事皆
聽稽察。又設十六大臣。正黃旗拜尹圖。楞額禮。鑲黃
旗伊孫達。朱戶。正紅旗布爾吉。葉克書。鑲紅旗吳善。
綽和諾。鑲藍旗舒賽。康喀賴。正藍旗屯布祿。薩壁翰。
鑲白旗吳拜。薩木什喀。正白旗孟阿圖。阿山佐理國
政。審斷獄訟。不令出兵駐防。又設十六大臣。正黃旗
巴布泰。霸奇蘭。鑲黃旗多內楊善政。正紅旗湯古代。
察哈喇。鑲紅旗哈哈納。葉臣。鑲藍旗孟坦。額孟格。正

藍旗昂阿喇。巴勒鑲白旗圖爾根伊爾登正白旗康
古禮阿達海出兵駐防以時調遣。仍審理詞訟。

命大貝勒代善等率師征蒙古喀爾喀札魯特部別遣副
將楞額理等率兵六百入其巴林地驅逐哨卒縱火
燎原以張聲勢。明寧遠巡撫袁崇煥遣李刺嘛等
三十四人來弔喪。并賀即位。因窺我情形。蒙古科
爾沁國土謝圖汗遣使來弔。書云先代因有修福之
加今世乃生受命之君。今聞神武英明皇帝上賓。與
巴台吉敢奉書以慰八旗大小諸貝勒。昔察希爾巴
敦汗生西方。握七寶數盡則死。雪山白獅其力雖大。

限到亦死。深海之內縱有諸寶。無裨於龍王之死。以至寶莊嚴之身。亦如石之委而去也。爾皇考爲諸大國之主。捨寵姬愛子。視之不見。呼之不聞。遽爾崩逝。歷觀往古之君。雖號泣不能復生。爾英明皇考之規模典訓。具在當內。固基業外。修軍旅。勉力以圖。寡居識賢婦。早孤見慧子。不如盡心。耑治大國也。代善自軍中奏捷。獲札魯特貝勒巴克與其二子。及喇什希布戴青采噶爾寨等十四貝勒。俾其人民牲畜而還。楞額理阿山。自巴林還。俘獲甚多。十一月。李喇嘛回。遣方吉納溫塔石往。遺書曰。大滿洲國皇帝。

致書於大明國袁巡撫爾停息干戈遣李喇嘛等來弔喪並賀新君即位我亦無別意既以禮來當以禮往故遣官致謝至兩國和好之事

皇考往寧遠時曾致璽書與爾袁巡撫未見回答今汝主如答前書欲兩國和好我當觀其書詞答之凡有言詞須實吐衷情勿事支飾已而崇煥以大明滿洲字並寫不便奏聞令我使齋還原書不遣使亦無回書天聰元年正月命大貝勒阿敏貝勒濟爾哈朗阿濟格杜度岳託碩託統大軍征朝鮮遣方吉納溫塔石遺袁崇煥書歷數其前過七端且言欲修好當每

歲餽遺如約。即以此言轉達爾主。不然爾仍願兵戈也。三月方吉納策。偕明使杜明忠齎崇煥及李喇嘛書至崇煥書云。遼東提督部院致書於汗帳下。再屏書教。知汗之漸漸恭順天朝。而息兵戈以休養部落。即此一念好生。天自鑒之。將來所以祐而强大之者。尚無量也。往事七宗抱爲長恨者。不佞寧忍聽之。漠漠但追思往事。窮究根因。我之邊境細人與汗之不良部落口舌爭競。致起禍端。汗過不先作孽之人。即追人刑難逃天怒。今欲一一開晰。恐難問之九原。不佞非但欲我忘之。且欲汗並忘之也。然十年戰鬥。

驅蕪夏之人。肝腦塗三韓。膏血漫草野。天愁地慘。極悲極痛之事。皆爲此七宗。不佞可無一言。今南關北關。安在。河東北面死者。寧止十人。仳離者。豈止一老女。遼瀋界內之民。已不能保。寧問由來。是汗之怨已雪。而意得志滿之日也。唯我天朝難消受耳。今若修好。城池地方。作何退出。官民男婦。作何送還。是在汗之仁明慈惠。敬天愛人耳。然天道無私。人情忌滿。是非曲直。原自昭然。一念殺機。啟世上無窮劫運。一念生機。保身後多少吉祥。云云。兼欲裁減和禮。撤回征朝鮮兵。李喇嘛書。盛稱佛教。祈止兵和好。軍中奏。

欽定四庫全書
金史卷一百一十一

言正月十四夜。大軍克朝鮮義州城。分兵搗毛父龍所居鐵山。文龍遁入島。進攻定州。降其民。攻克郭山之漢山城。渡嘉上江。向平壤進發。克安州。至平壤城。遂駐中和息焉。七日至黃州。進駐平山。漸逼李倧王京。倧父子皆遁。遣族弟原昌君李覺等。進馬皮虎豹皮綿紬苧布等物。請和。三月三日焚書盟誓。我軍還。

四月明使杜明忠還。答書曰。皇帝致書袁巡撫。兩來書。欲我忘七恨。則遣官亦何爲哉。今又云。若修好。城池地方。何退出官民男婦。作何退還。以理直在。我蒙天垂祐。賜與城池官民。今日退還。是不顧講和。

有意激我之怒耳。又云是在汗仁明憲惠敬天愛人
耳。此無俟我言爾。豈不知之。又云所開諸物往牒不
載考舊與視此數多者有之。少者亦有之。我亦悉知
又云方以一介往來。又稱兵朝鮮。何故。遂疑汗之言
不由中也。夫我豈無故而征朝鮮。何嘗向爾等有不
征之說。有何言不由中。而圖疑之也。爾口言修好。乃
發哨卒入我境。收納逃亡。修葺城堡。是爾之言不由
中也。我將帥實疑爾矣。又云息止刀兵。將前後事情
講析明白。此言是也。乃又云往來書札。無取動氣之
言。恐不便奏聞。夫是與非。必須說明。然後和好可固。

若匿其意而不言。徒以無取動氣之言相抑。恐難於
講和也。如此欺慢之詞。與前遼東廣寧官員相欺。何
異哉。又云。只願堅意以事我皇上。宣揚聖德。料理邊
情。爾君之德。爾自宣揚之。我異國之人。何由得知。爾
之邊疆。爾自理之。我之邊疆。我自理之。我奈何爲爾
料理邊情也。不講兩國修好之言。而出此輕人之諦。
何耶。爾袁巡撫。誠明智之人。乃不思如何致太平利
國家。烏結好修和之詞。而徒出大言。豈空言可以制
勝乎。因爾書有慢詞。故以此相答。至和好之事。爾或
懷疑。我無疑也。又云。先開諸物。所當自裁。我所裁者。

初和之禮。爾當送金五萬兩。銀五十萬兩。緞五十萬疋。布五百萬疋。我國以東珠十顆。黑狐皮二張。貂鼠皮二千張。人參一千斤。相答既和以後。兩國往來之禮。每年爾國送金一萬兩。銀十萬兩。緞十萬疋。梭布三十萬疋。我國以東珠十顆。人參一千斤。貂皮五百張。相答。若以此言爲然。肯修和好。當即議定。烏善至袁巡撫來書。尊爾皇帝如天。李喇嘛書中。以異國之君。列於爾國諸臣之下。此乃爾等私心所爲。非義之當然也。我今揆之於義。將爾明皇帝比天下一家。我下爾明皇帝一家。爾明諸臣。下我一字。書寫我知爾。

等欺詐。故不遣使。以後凡有書來。若爾國諸臣與我並書。我必不聽。

五月聞明人於錦州大凌河小凌河築城也。勦親率將士由上榆林至遼河廣寧直趨大凌河。明守兵遁。遂圍錦州城。癸巳攻寧遠。大敗明兵。己亥攻錦州。庚子班師。丁未還瀋陽。

八月貝勒奇訖敗明兵船於遼河。獲守備等官。

天聰二年明崇禎元年正月。親征察哈爾國多羅特部。殺其台吉古魯。四月賜教漢部璣諾木杜楞額。諱號濟農。明袁崇煥以總兵毛文龍據南海皮島。與我國私通。殺之。五月聞明兵棄錦州。命貝勒阿巴泰。

等畧明地並圍錦州城及杏山高橋并十三站以東
墩臺二十二處。貝勒濟爾哈朗豪格征碩特塔布
蒙古擒之收其人民。九月親征察哈爾國徵各部落
兵科爾沁台吉滿朱習禮教漢部濟農瑣諾木杜楞
奈曼部達爾漢巴圖魯聚出斯札魯特台吉喀巴海
喀喇沁部汗喇思喀布布顏之巴海之子台吉畢喇
什萬旦衛徵塔布囊馬濟貝勒耿明等率衆來會丁
安馳擊席爾哈席伯圖英湯圖等處克之追捕敗軍
至興安嶺獲人畜無算。十二月札魯特部貝勒色
木馬尼舉國來降。

天聰三年正月定直月制先是天命六年命四大貝
勒按月分直掌理一切機務至是令以下諸貝勒代
理直月之事。二月奉遷

太祖高皇帝梓宮於瀋陽城東二十里渾河北右嘴頭山
蒙古喀爾喀札魯特部貝勒戴青桑古爾采噶爾
塞等各率其屬來歸聞明故將毛文龍屬下漢人
由海島移駐朝鮮之鐵山遣總兵楞額禮勒之斬級
三百七十擒一百四十人獲馬二十一。遣總兵吳
納格副將蘇納貝勒明安額尉恩格得爾征察哈爾
國降其邊境二千戶庚戌

車駕過東京

三月遣國舅阿什達爾漢同尼堪等齋勅

制三月庚午

諭歸順各部落蒙古諸貝勒

申定軍令

四月命

巴克什達海同筆帖式剛林蘇開碩爾馬渾托布威

等四人翻譯漢字書籍巴克什庫爾經同筆帖式吳

巴什查素喀胡球詹霸等四人記注本朝政事以昭

信史五月搜勦明故將毛文龍所屬諸島副將石

廷柱往黃骨島備禦石爾都他哈布往廣鹿島遊擊

圖魯什往旅順口羅壁哲爾德清善雅賴往新城一

路六月備禦博爾察往新城一路布爾吉赴雅爾

古各擒殺有差七月命孟阿圖往征瓦爾喀九

月貝勒濟爾哈朗德格類岳託、阿濟格畧明錦州寧遠。焚其積駁秣馬田野中。凡一月。俘獲以三千計。至是還。額駙揚古利及阿山楞額禮雅賴往雅爾古殺毛文龍屬下採參人。擒千總三員。從人十六。南界守備伊爾登勒獐子島。獲明船四。沈百三人。擒二十七人。阿祿部杜恩噶爾濟農獻馬通好。十月。親伐明。以蒙古喀喇沁部台吉布爾噶都烏嚮道。命總兵吳納格副將蘇納率兵追察哈爾之逃入明國者。獲人百馬牛駝羊各有差。乙亥。大軍次老河。命貝勒濟爾哈朗岳託率右翼四旗。及蒙古諸貝勒兵。進攻

大安口至遵化城合軍。命貝勒阿巴泰阿濟格率左翼四旗及蒙古兵從龍井關攻入。

上與大貝勒代善莽古爾泰等率大軍繼發。丁丑左翼攻克龍井關。瀕水關而入。明副將易愛參將王遵臣來援。皆敗死。軍至漢光莊城外會。大貝勒莽古爾泰身勒多爾袞多鐸至。明副將標下官李豐率民雜髮出降。又招降潘家口守備金有光。遣其中軍范民良蔣進喬齋書來降。戊寅攻克洪山口。辛巳。

上發洪山口至遵化。遺明巡撫王元雅書。十一月壬午朔。右翼諸貝勒率兵會於遵化。先是濟爾哈朗岳託。

等於十月二十六日乘夜攻克大安口。遂進軍明參
將張某率馬步兵來援。我兵擊走其前鋒。明兵屯二
營於山上。濟爾哈朗率兵一半擊敗之。追至馬蘭營。
盡殲其衆。又見明二營騎兵自遵化來援。駐深林內。
詰又進擊。大敗之。忽又一營敵兵至。隨分兵擊斬
之。馬蘭營馬蘭口、大安口、三城俱降。二十八日趨石
門。降之。羅文峪守備李思禮降。擢遊擊。明總兵趙寧
教以精兵四千援遵化。阿濟格擊斬之。莽古爾泰擒
其中軍減調元。初三日攻遵化城。正黃旗納穆泰率
本旗攻北面之西。鑲黃旗額駙達爾哈攻北之東。正

紅旗額駙和碩圖攻西之北。鑲紅旗雍舜攻西之南。
鑲藍旗額駙顧三台攻南之西。正藍旗拖博輝攻南
之東。鑲白旗圖爾格攻東之南。正白旗喀克噶禮攻
東之北。正白旗小卒薩木哈圖先登。大軍俱登。守陴
兵潰。巡撫王元雅自縊。盡屠城中拒命者。殮元雅以
棺收養。原任監司馬思恭郎中賈維鑰。

上酌金卮。勞薩木哈圖。褒諭之。授備禦世職。賜號巴圖魯。
命叅將英俄爾岱遊擊李忠文館。范文程等留守
遵化。遣大貝勒莽古爾泰。墨爾根。戴青。貝勒多爾袞。
額爾克楚虎爾。貝勒杜度。薩哈廉。豪格率

兵二千赴通州河相視津渡兼捕哨卒。

上自三河縣起營。貝勒阿巴泰岳託分路進擊順義縣。
敗大同總兵滿桂宣府總兵侯世祿。順義知縣率衆
降。辛丑大軍逼燕京。

上親營於城北土城關之東。兩翼兵營於東北明總兵滿
桂侯世祿來援至德勝門。寧遠巡撫袁崇煥總兵祖
大壽屯沙窩門外。莽古爾泰爾分兵為三。時敵於右
偏伏兵甚衆。豪格獨趨右偏。敗其伏兵。追殺至城濠。
餘三貝勒阿巴泰阿濟格多爾袞由正路入擊敗敵
兵。亦追殺至城濠。先是獲明太監二人。監守之。至

是副將高鴻中參將鮑承先遵上密計坐近二太監故作耳語云今日撤兵計也。頃上車騎向敵有二人來見語良久乃去意哀巡撫有密約事可立就矣時楊太監者佯卧竊聽庚戌縱之歸後聞明主用楊監言執崇煥入城磔之。祖大壽大驚率所部奔錦州殺山海關而出十二月壬子總兵吳納格克固安縣盡殲其衆丙寅大軍發良鄉趨燕京營於京城西北隅聞明滿桂墨黑雲龍麻登雲孫祖壽四總兵柵永定門南二里許以三鼓進兵丁卯黎明十旗大謀齊進毀柵而入斬滿桂孫祖壽副將參遊等凡三十

人擒黑雲龍麻登雲壬申遣阿巴泰等畧通州焚毀
船隻攻張家灣克之遣巴克什達海愛巴里齋與明
議和書二。一置德勝門外。一置安定門外。丁丑遣
岳託策率精兵四千圍永平。遂克香河縣。

上與大貝勒等往視薊州情形。會山海關步兵來援。遇於
城外二里許。悉擊殲之。

天聰四年正月辛巳朔。大軍抵灤河。壬午至永平。甲
申攻克之。兵備道鄭國昌知府張鳳奇推官羅成功
皆仰藥死。戶部郎陳此心。兵備道白養粹。草職副將
孟喬芳等皆降。丙戌留貝勒濟爾哈朗等兵一萬守

城大軍向山海關進發。擢白養粹爲巡撫。孟喬芳楊文魁爲副將。戊子孟喬芳楊文魁楊聲遠自永平來見。

諭曰。朕不似爾明朝之君。與臣下情意隔絕。凡我臣僚皆令倚坐。各吐衷曲。飲食同之。己丑命教漢等蒙古兵攻昌黎縣。諭以克城財物任取之。教漢等諸貝勒樹梯攻城。爲敵所推墮不能克。

上聞曰。昌黎兵甚少。何難攻克。遣達爾哈等領千人助之。仍不克。

上自攜攻具攻之。

諭曰。倘拔其城。違命者悉殲之。城上木石鎗礮齊發。火燎梯柳。因焚近城廬舍而還。明灤州降。命固山額真納穆泰等率兵守之。命貝勒阿巴泰率護軍駐防。

漢兒庄城。辛丑遇明兵八營。皆擊敗射殺其兵部

尚書劉之綸。二月。

諭曰。昨攻永平城。副將阿山葉臣與猛士二十四人。冒火登城。乃我國第一等驍勇人也。以後毋得再令攻城。但令立諸貝勒固山額真左右。對敵時同進。彼自欲攻城。亦宜止之。廝卒中有一二次率先登城者。亦不可再令攻城。以示愛惜材勇之意。丙辰。

諭貝勒曰爾等蒙天祐凡事皆當處之以義毋貪黷以
利。母偏庇以徇人天人一理在下士卒悅服則天
心亦嘉與之矣。自天聰三年十月征明抵燕京轉
克遵化永平灤州遷安諸處。二月甲子班師命貝勒
阿巴泰濟爾哈朗薩哈廉文臣索尼甯完我喀木圖
率將士鎮守永平。文臣鮑承先白格率將士鎮遷安。
固山額真圖爾格納穆泰偕文臣庫爾經及高鴻中
率將士守灤州察哈喇偕文臣范文程守遵化。三
月庚寅命大貝勒阿敏貝勒碩託率兵往代阿巴泰
等鎮守永平灤州遵化遷安等處。四月辛酉貝勒

阿巴泰濟爾哈朗薩哈廉等率所部兵凱旋。五月。
明監軍道張春監紀官邱禾嘉總兵祖大壽馬世龍
楊紹基副將祖大祿祖可法張宏謨劉天祿曹恭誠
孟岱等率兵攻灤州固山額真納穆泰等屢擊却之。
阿敏碩託遣大臣巴都禮率數百人往而盡收遷安
守兵及居民入永平明兵復攻灤州納穆泰等不能
支遂棄城奔永平明兵截戰我兵陣沒四百餘人阿
敏碩託將城內歸降漢官巡撫白養粹知府張養初
太僕卿陳玉庭行人崔及第主事白養元知縣白珩
掌印官陳清華王業宏陳元美叅將羅墀都司高攀

桂等悉戮之並屠城中百姓收其財帛乘夜棄永平
城而歸出冷口其遣守遵化察哈喇等亦棄城還衆
貝勒大臣議阿敏十六罪請誅之

上免死幽禁。奪所屬人只奴僕財物牲畜。碩託草貝勒噶爾
等所屬人。如湯古代希爾吉納穆泰巴布泰圖爾格
雍舜備禦松俄圖遊擊恩特愛木布路叅將布山備
禦黑勤尼馬察郎什德爾得赫各坐罪有差。七月
定議。

太祖庶妃所生子阿拜塔拜巴布海賴幕布又弟
之子吳達海塔津拜伊圖翠阿岱舒爾赫哈木加族

叔良霸席庫撤哈席庫機爾塔席庫又姑母瑚甯與
姨母之子柏爾胥卜額吳布泰吳齊勘分代席爾談
發庫又勒克舒子孫及頑布魯等俱免徭役

天聰五年正月造紅衣大將軍礮成。鎬曰天祐助威
大將軍我國造礮自此始。

上幸文館觀巴克什達海所譯武經內有昔良將用兵有
餽葷醪者投諸河與士卒同流而飲夫葷醪不能味
一河之水而思焉致死者以滋味之及已云云

上諭曰觀古史所載將帥必體恤士卒如我額駙額三台
與敵交鋒士有戰死者以繩繫其足曳歸輕蔑士卒

若此何以得其死力乎。三月以御書三函與兩大
貝勒及議政十貝勒八大臣令直言國事於是大貝
勒代善莽古爾泰貝勒阿巴泰濟爾哈朗墨根戴青
多爾袞岳託額爾克楚虎爾多鐸杜度薩哈廉豪格
固山額真額楞禮額駙達爾哈和碩圖色勒喀克雋
禮伊爾登葉臣各有所奏。五月命總兵官額楞禮
喀克雋禮率兵征南海島。六月親定功臣襲職例
七月議設統兵將帥每固山額真下兩翼各設梅
勒額真一員每甲喇各設甲喇額真一員其隨從紅
衣大將軍礮令總兵官修養性管理又定官制設立

六部每部以貝勒管理。其下設承政參政啟心郎。改
巴克付爲筆帖式。本賜名者仍之。聞明總兵祖大
壽等興築大凌河城。晝夜督備。因統大軍征之。八
月壬寅次舊遼河。蒙古諸貝勒各率兵來會。癸卯
命貝勒德格類。岳託。阿濟格率兵由義州進發。屯於
錦州大凌河之間。以俟。丁未兩路軍俱抵大凌河。
時城牆已完。遂進圍之。

上以攻城恐傷士卒。乃命楞額禮達爾哈率本旗圍北面
之東。阿巴泰率護軍在後策應。覺羅色勒圍正南。莽
古爾泰德格類策應。宗室篇古圍南之西。濟爾哈朗

策應吳納格圍南之東。喀克篤禮圍東之北。多鐸策應伊爾登圍東之南。多爾袞策應和碩圖圍西之北。代善策應鄂本對圍正西。葉臣圍西之南。岳託策應蒙古諸貝勒各率所部兵圍其隙處。冬養牲載礮。當錦州大道而營。諸將各固守汎地勿縱一人出城。又環城掘濠深廣各丈許。濠外築牆高丈許。牆上加垛口。牆內距五丈餘地。又環掘濠廣五尺深七尺五寸。濠上鋪秫稈覆以土。營外亦掘濠深廣各五尺。許城內不能通出入矣。辛亥招降大凌河西山一臺。南岡一臺。壬子繫書於矢射入大凌河城。諭諸蒙古。

癸丑明兵出城誘戰。我副將孟坦屯布祿備禦多
貝侍衛戈里及士卒十人歿於陣。是日以礮攻降城
西南隅一臺。甲寅大凌河岸一臺降。又以礮攻城
東一臺崩。丙辰城外一臺降。丁巳明兵二千自
松山來援。前哨阿山等擊敗之。甲子命阿濟格等。
率精兵往錦州松山遮擊明兵。丁卯明兵六千來
攻阿濟格營。時大霧。覩面不相識。及敵將至。有青氣
自天衝入敵營。霧中開如門。於是阿濟格亟託列陣
以待。大敗敵兵。追至錦州城下。擒遊擊一員。獲馬二
百有六。八月辛未大凌河城內城兵突出。我兵來

攻敗之。九月乙亥，命譚布邀擊明兵出城樵採者。

丁亥，聞明兵援錦州。

上率親隨護軍前行，明兵七千潰遁，斬副將一人，收軍拜天。

庚寅，使卒偽爲錦州援兵。

上親率護軍伏於山內。祖大壽見之，率兵出城，宗室篇古等四營齊出，明兵大敗。

上率伏兵掩至，敵奔入城，自是不敢復出。

乙未，明太僕

寺卿監

軍

道張春總官

吳襄、鍾緯等率

副將以下百餘

員馬步兵四萬來援，過小凌河。

上欲擊之，見其壁壘嚴整，乃止。戊戌，明兵起營，趨大凌河。

距城十五里立營。我先遣精騎扼敵歸路。兩翼兵直衝其營。敵陣堅不動。火器齊發。聲振天地。我右翼衝入。明總兵吳襄副將桑阿爾賽等先奔。時有黑雲從風西來。向我軍敵乘風縱火。勢甚熾。將逼我陣。天忽雨。反風向敵。敵遂潰。遇伏悉殲焉。生擒張春。張洪謨。第三十餘員。盡獲其駝馬器械。張春獨不跪。

上怒。援弓欲射之。代善諫曰。此人欲以死成名。奈何殺之。以遂其志。遂置之。是戰也。祖大壽復以爲計誘。故無一人出。於是晚遣賜張春珍珍餌。春不食。固求死。後餓二日。復賜食。乃受而食之。後每飯。

上皆親閱以賜。十月遺祖大壽書。招之降。未幾城中糧盡。析骸而炊。殺人而食。大壽欲突圍。不得。復遣陳獲參將姜新招之。大壽降志乃決。遣其養子祖可法爲節。諸貝勒問曰。爾等死守空城。何意。曰。因前屠戮永平遼東降民。是以畏死耳。岳託曰。遼東之事。我等不勝追悔。永平乃二貝勒阿敏所爲。已論罪幽禁矣。戊戌大壽殺其副將何可剛以降。可剛含笑而死。十一月縱祖大壽入錦州。丁巳大軍旋。張春不肖。雜髡。令與白喇嘛同居三官廟。

天聰六年正月管兵部事貝勒岳託言。先年克遼東。

黃寧誅漢人拒命者後復屠永平灤州以是人懷疑懼縱極力曉諭人亦不信今天以大凌河與我臣愚以烏當善撫養撫養之道當先與以家室凡一品官以諸貝勒女妻之二品官以國中大臣女妻之仍出公帑以給其需各官宜令諸貝勒人給莊一區復察各牛錄下寡婦給配各官從人至明之兵如察漢民女子寡婦及八貝勒下莊頭女子令其配給其餘更令殷實商賈分給婚配毋致一人失所則人心歸附而大業可成矣詔納之

賜門都號阿爾薩蘭土謝圖布庫杜爾麻號詹布庫特木

德赫號巴爾巴圖魯布庫三人皆蒙古人。齊力絕倫。
善角觴。二月以大凌河歸降。及伴獲漢人分隸副
將下各五十名。參將下各十五名。遊擊下各十名。盡
令移居瀋陽。以國中奴女千口配之。其餘令國中諸
貝勒大臣各分四五人配以妻室。善撫養之。三月
以國書十二字頭無圈點。上下字雷同無別。命巴克
什達海酌加圈點。以分析之。四月親率大軍。征察
哈爾。次都勒河。聞察哈爾汗林丹奔庫黑得勒酥乃
還。趨歸化城。會有察哈爾國左界與喀喇莽奈之境
相接。因罷征明之師。復往征察哈爾。五月大軍次

胡喇戶以察哈爾遁復議征明。大軍次木魯哈喇
克沁命貝勒阿濟格等率左翼兵掠大同宣府一帶。
濟爾哈朗等統右翼兵掠歸化城黃河一帶。六月
遣書明沙河堡官索回察哈爾逃入堡中人畜及賞
察哈爾財物悉送出。遣官賈書詣大同賜知宣府
各官議和。甲子與明宣化巡撫沈某總兵董某等
議和定盟約。大軍還。

天聰七年正月諭各牛錄額真曰。田疇廬舍。民生攸
賴。勸農講武國之大經。民間樹藝一一嚴飭。催役勿
累貧民。再督率所率三時習射。此係我國制勝之技。

可不努力學習耶。三月遣貝勒濟爾哈朗築岫巖城。貝勒阿巴泰築攬盤城。貝勒阿濟格築遠堡城。貝勒杜度築麟場城。分兵駐守。八月壬戌遣貝勒阿巴泰等統兵二千畧明山海關一路。俘人畜二千四百有奇。

天聰八年正月乙巳

上御殿命阿爾薩蘭與土謝圖濟農巴達禮托薩克圖杜楞布塔齊噶爾珠塞特爾三貝勒下。選拔力士六人較力。阿爾薩蘭一一高舉擲之人稱奇勇。二月命阿山率護軍大兵鼇拜等畧錦州。三月戊子還。辛

卯。命譚泰圖爾格畧錦州。四月以瀋陽爲天眷盛
京。赫圖阿喇城爲天眷興京。辛巳初命禮部考取
通滿洲蒙古漢書文義者爲舉人十六人。各賜衣一
襲。免四丁。宴於禮部。五月征東海虎爾哈部李思
哈吳巴海遣人奏捷。俘獲男婦馬牛皮張。各有差。

七月

上親率大軍由宣府畧朔州一帶定議。四路兵俱於七月
十八日入邊。八月命諸貝勒率兵畧山西代州朔
州等路。甲子攻克應州石家村。逼甲戌。

上圍大同城。壬午大軍至懷遠。癸未大軍至右左衛城南

駐營。閏八月甲戌駐城東丙午駐左衛河北丁亥攻萬全左衛克之庚寅班師十二月命梅勒章京霸奇蘭申喇章京薩木什喀率兵征黑龍江分別嵩管牛錫遣吳巴海荆古爾岱率兵征瓦爾喀天聰九年正月詔

太祖庶子稱阿哥六祖子孫俱稱覺羅命繫紅帶以別之如人相訴不得署及祖父違者罪死二月以和碩墨爾根戴青貝勒多爾袞貝勒击託薩哈廉豪格爲統兵元帥固山額真納穆泰爲右翼吏部承政圖爾格烏左翼率護軍及精兵萬人往收察哈爾林丹汗

之子額爾克字性政弘果爾額哲。上年察哈爾亂其汗已死。其屬來歸者紛紛故有是舉。四月霸奇蘭等捷音至。收服壯丁二千四百八十三人口七千三百有二。俘婦女幼稚一百十六牲畜他物稱是。吳巴海等捷奏至。收服壯丁五百六十婦女五百口幼稚九十。又俘婦女六十六牲畜他物稱是。五月命和碩額爾克楚虎爾貝勒多鐸等率兵入寧錦界明兵禦我大凌河奔潰追斬其副將劉應遜擒獲遊擊曹得功殲我其兵五百人距錦州城五里收軍還。多爾袞等奏。大軍至西喇朱爾格。遇察哈爾汗妻囊囊太后瑣諾。

木台吉率一千五百戶降隨渡黃河抵額哲所駐托里圖其國無備額哲及其母蘇泰太后率衆寨桑并部民一千戶歸降是歲東方之國兩次來歸察哈爾舉國內附各處蒙古俱降惟明國僅存然國事日非亡不久矣八月多爾袞等凱旋獲歷代傳國玉璽元順攜逃沙漠後隨遺失越二百餘年牧羊者見羊三日不食以蹄跑地掘獲之後歸林丹活今得於蘇泰太后所其文漢篆制誥之寶四字璠璵爲質交龍爲紐光氣煥爛洵至寶也多爾袞等三貝勒率兵並察哈爾汗子額爾克孔果爾額哲及其大臣畧明

山西一帶自平魯衛入朔州抵長城。經寧武關代州
忻州崞縣黑峯口應州而復還平魯。斬明兵六千餘
人。俘人畜七萬六千二百有奇。乃出邊凱旋。設蒙
古都統八旗各一下設副都統參領各二。